



Publicaziuns dalla vischnaunca, jamna 12

Damondas da baghegiar

Nr. 2012-1018

Datum da publicaziun: 23 da mars 2012

Il patrun: Artavels Anton Gadola-Dedual, Via Alpsu 9, 7180 Disentis/Mustér

Il representant: Martin Caduff, Viktoriastrasse 24, 8057 Turitg

Object: Spazzar il baghetg existent 549A, reconstrucziun d'ina tegia da vacanzas, parcella 3557, Caischavedra, 7182 Cavardiras

Nr. 2012-1019

Datum da publicaziun: 23 da mars 2012

Il patrun: Giusep Condrau-Schuoler, Via Sontget 6, 7180 Disentis/Mustér

Il representant: Giusep Condrau-Schuoler, Via Sontget 6, 7180 Disentis/Mustér

Object: Prolungaziun dalla terrassa e construcziun d'in tetg da veider, parcella 914, Via Sontget 6, 7180 Disentis/Mustér

Ils plans da construcziun ein deponi tier l'administraziun communal.

L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sutta-scretta dil recurrent ni da siu representant.

Disentis/Mustér, ils 20-3-2012

Uffeci da baghegiar Disentis/Mustér

Cussegl da vischnaunca

En sias sedutas dils 16, respectivamein dils 20 da mars 2012 ha il cussegl da vischnaunca discussiunau detagliadamein il program d'activitad 2009–2012 e priu enconuschientscha da quei document.

La bilanza dallas activitads dis davos onns ei fetg positiva e numerus projects ein vegni instradai e realisai. Sin proposta dalla suprastonza communal ha il cussegl mess novs accents per igl onn current. Quei pertucca en special la collaboraziun regiunala, las activitads sil sector turistic e la reglamentaziun dallas habitaziuns secundaras.

Plinavon ha il parlament communal approbau unanimamein ina participaziun alla cuminonza da machinas forestalas Cadi ed il statut concernent. En concordanza cun las vischnauncas da Trun e Sumvitg duei quei project vegnir realisaus aschi spert sco pusseivel. La cuminonza sa da tut temps recepir novs partenaris.

Ultra da quei vegn la lescha davart ils dretgs politics modificada en quei senn, ch'ei vegn installau ina gruppa speciala per preparar las elecziuns communalas e ch'ei dat la pusseivladad d'ina elecziun tgeua tier elecziuns complementaras. Omisdus conclus ein da suttametter al referendum facultativ.

Per conclusiun ei in postulat per cear in register public dils defuncts dalla vischnaunca da Mustér vegnius retratgs, ferton che la suprastonza communal ei vegnida incaricada da schar elaborar in pareri, schebein ei seigi indicau d'era introducir els vischinadis .zonas da tempo 30.

Suprastonza communal



Referendum facultativ

Conform ad art. 21, lit. h dalla constituziun communal vegnan il conclus davart la participaziun alla cuminonza da maschinas forestalas Cadi, respectivamein conform ad art. 21 lit. b dalla constituziun communal la revisiun d'art. 25bis, art. 33 ed art. 39 dalla lescha davart ils dretgs politics suttamess al referendum facultativ.

La documentaziun concernenta ei exponida per investa en casa communal (stanza nr. 10). Enteifer 20 dis dapi la publicaziun ufficiala han 80 votants la pusseivladad d'inoltrar enviars ils dus conclus il referendum facultativ e pretender ina votaziun dil pievel.

Suprastonza communal

Lenna da brisch

Damondas per lenna da brisch cun indicar il quantum en m³ (sper la piazza da lenna a Fontanivas ni franco a casa) ein da far en scret **entochen ils 13 d'avrel 2012** agl uffeci forestal dalla vischnaunca da Mustér, Werner Müller, caum postal 57, 7180 Disentis/Mustér, ni e-mail: uffeciforestal@disentis.ch.

Uffeci forestal Disentis/Mustér

Concept da traffic per la Via Cons e la Via Sogn Gions

Sin fundament dalla publicaziun dils 6 da schaner 2012 per in niev concept da traffic per la Via Cons respectivamein la Via Sogn Gions han vischins e vischinas inoltrau giavischs per modificaziuns. En consideraziun da quellas objecziuns ha la suprastonza communal decidiu sco suonda:

Via Cons

La signalisaziun stradala per la Via Cons vegn buca midada. Las restricziuns da traffic fixadas pils meins d'unviern vegnan mantenidas sco entochen da cheu.

Via Sogn Gions

La signalisaziun previda per la Via Sogn Gions vegn reponderada. Alla polizia cantunala ei vegniu suttamess ina nova damonda. Aschinavon che la nova proposta vegn approvada, succeda el decuors dils proxims meins ina nova publicaziun.

Nus supplichein vischinas e vischins da prender enconuschientscha da quels conclus.

Disentis/Mustér, ils 20-3-2012
Suprastonza communal

Cass per donns elementars dil cantun Grischun *Informaziun impurtanta*

La lavur da schazegiader per donns elementars da nies cumin vegn delegada allas suandontas persunas:

**Daniel Carigiet, Tavanasa, e
Serafin Steger, Disentis/Mustér**

Ils donns succedi ein mintgamai d'annunziar agl Uffeci circuital dalla Cadi tier la secretaria Ursina Murer-Fatzer per telefon 076 449 12 42 (**gliendisdis entochen venderdis, dallas 10.00 tochen las 11.00**).



La secretaria vegn alura ad annunziar il cass al schazegiader pertuccau. Donns vid baghetgs segirai ein d'annunziar tier la segirada da baghetgs cantunala grischuna, telefon 081 257 39 15.

Nus supplichein da prender notizia dallas informaziuns.
Trun, mars 2012 Uffeci circuital dalla Cadi Donat Nay, mistral

Controlla da habitonts Naschientscha

Timo Lozza, naschius ils 14 da mars 2012, fegl da Pirmin e Helena Lozza-Camathias.

Stagiun da pestga 2012 – emissiuin dallas patentas

Mira sut Surselva!

Communicaziun ed appel Buca disturbar las selvaschinas – buca ir suenter cornas

Mira sut Cadi!

Dis dallas portas aviartas

Geniturs ed autras personas interessadas vid la scola han la pusseivladad da visitar lur affons durant l'instrucziun e quei sco suonda:

Scoletta: Mardis, ils 27 da mars 2012

- 1. classa: Venderdis, ils 30 da mars 2012
- 2./3./4. classa: Gievgia, ils 29 da mars 2012
- 5./6. classa: Venderdis, ils 30 da mars 2012

Scalem superiur: Gliendisdis/mardis, ils 26/27 da mars 2012

Ils affons e las personas d'instrucziun selegran da Vossa viseta.

Apparats d'udida

Gliendisdis, ils 26 da mars 2012 saveis Vus schar schubergiar e regular Vies apparat d'udida en Casa da tgira Sursassiala a Mustér e Curaglia:

a Mustér naven dallas 14.00 tochen ca. las 15.15
a Curaglia naven dallas 15.30 tochen ca. las 16.30

L'uniun Pro Audito Chur, cun Arthur Jacomet fa quei survetsch per tuts interessents gratuitamein.

Cordial invit Casa da tgira Sursassiala



**Corporaziun alp Pazzola
Radunonza generala**

**Venderdis, ils 23 da mars 2012
allas 20.00 el hotel «Sax».**

A stedia participaziun envida la suprastonza

Radunonza generala dils possessurs da dretgs alp Cristallina

**Sonda, ils 24 da mars 2012
allas 20.15 ell'ustria «Crestas», Segnas.**

Tractandas:

1. Beinvegni
2. Elecziun d'in dumbravuschs
3. Prelecziun dil protocol ed approbaziun
4. Rapport dil president
5. Rendaquen 2011
6. Rapport dils revisurs ed approbaziun dil quen
7. Fixar il tscheins dils dretgs per 2012
8. Varia

Suenter radunonza vegn offeriu als presents ina tscheina. Tuts possessurs da dretgs ein cordialmein envidai allas radunonza.

Cun stema salida la suprastonza

**Societad da musica Mustér
Exercezi public e cuors carschi**

Interess da sunar in instrument da stuors? Marveglias, co la musica exercitescha? Interess d'emprender d'enconuscher la differenza denter in bass ed in cornet?

En quei cass nudar grond e gries sonda, ils 24 da mars ell'agenda.

La Societad da musica Mustér envida in e scadin (scolars e carschi) agl exercezi public en halla Cons. Nus sunein ed exercitein, nus mussein ils instruments e secapescha haveis Vus la pusseivladad d'empruar ora ils instruments.

Cu e nua:

Sonda, ils 24 da mars allas 18.00 en halla Cons. Ils carschi che lessan emprender da sunar in instrument, san s'annunziar tier la presidenta Theres Burri Gadola. Nus organisein puspei in cuors per carschi (tel. 081 947 50 77, e-mail: theres.burri@nervenschoner.ch).

Center sursilvan d'agricultura

Referat cul tetel: Die Beziehung des Mondes zu den Naturreichen – Pflanze, Tier, Mensch

Gievgia, ils 29 da mars 2012 allas 20.15

Referat da Wolfgang Held, astronom e «Kulturschaffender» al Goetheanum ed autur dil «Sternkalender», che cumpara annualmein. Il referat ha liug el local dil Center sursilvan d'agricultura a Disentis/Mustér. www.agricultura.ch, tel. 081 936 48 00.

Cordial beinvegni el Center sursilvan d'agricultura!



Uniun samaritana

Cuors: Agid d'urgenza tier affons pigns (Notfälle bei Kleinkindern)

**Sonda, ils 14 d'avrel 2012 dallas 13.30–17.30
e sonda, ils 21 d'avrel 2012 dallas 8.00–12.00**

Il cuors sedrezza a mummas e babs, tattas e tats ed a tut las personas che han da far cun affons pigns. Ulteriur sclariment ed annunzias entochen ils 5 d'avrel 2012 tier: Yvonne Flepp, tel. 081 947 50 35, e-mail: yvonne.flepp@kns.ch

Secziun da catschadurs Péz Alpetta

Preavis lotto

**Sonda, ils 28 d'avrel 2012 allas 20.00
lotto organisau dalla Secziun da catschadurs Péz Alpetta.**

Avertura dalla cassa allas 19.00.

Nus supplichein autras uniuns da prender risguard.

Sentupada dils seniors

Gievgia, ils 29 da mars allas 14.00 ha liug la sentupada
dils seniors ella «Stiva Grischuna».

Cordial beinvegni fa il cerchel social-caritativ

Uniuns da dunnas/Frauenvereine Cadi

Cuors: Tgira en famiglia sco pensum
Kurs: Pflege in der Familie als Aufgabe

Mira/siehe unter Cadi!

Ludoteca Mustér

Liug/Ort: Halla Cons, tel. 076 494 39 92
e-mail: ludoteca@disentis.ch

Uras d'avertura/Öffnungszeiten:

Gliendisdis/Montag: 18.30–20.00
Gievgia/Donnerstag: 16.00–17.30
Venderdis/Freitag: 18.30–20.00

Biblioteca populara Mustér

Liug: Casa da scola, tel. 081 947 52 90, biblioteca@disentis.ch

Sut www.disentis.ch ni www.bibliotecas-surselva.ch anfleis Vus nies entir catalog bibliotecar.



Per e-mail saveis Vus reservar ina ni pliras medias ed enteifer 5 dis retrer ad emprest ellas en biblioteca populara.

La biblioteca ei aviarta:

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !
Nus selegrein da mintga viseta.

Biblioteca populara Mustér